

Bangala - Buku na Nzambe - Soul Scriptures

Matayo 11:28-30 "Boya epai na ngai bino nyoso oyo bosili kolemba na komema mikumba, mpe nakopesa na bino kopema. 29 Bomema mosala na ngai, mpe bopesa ngai nzela na kolakisa bino, mpo nazali na motema pete, na lolendo te, mpe bokozwa esika ya kopema mpo na bino mpenza. 30 Komema mosala nakopesa na bino ezali makasi te, mpe mokumba nakomemisa bino ezali kilo te."

Ebandeli 2:7 Boye Nkolo Nzambe akamataki putulu ya mabele, asalaki na yango motu. Apemaki pema ya bomoi na zolo na ye, mpe motu akumaki motu na bomoi.

Ebandeli 34:2,3,8 Sekeme, mwana ya Amora Moivi, oyo azalaki mokonzi ya mboka, amonaki Dina. Akangaki ye na makasi mpe alalaki na ye, apesaki ye nsoni. 3 Lokola alingaki Dina, mwana mwasi ya Yakobo mingi mpe amipesaki mobimba mpo na ye, asalaki nyoso mpo Dina mpe alinga ye. 8 Kasi Amora alobaki na bango: "Mwana na ngai Sekeme alingi mwana na bino mingi koleka. Nasengi bino, bopesa ye mwana na bino, abala ye.

Kotanga 21:4 Baisraele balongwaki na ngomba ya Or mpe bakei na nzela ya Mai ya motani, mpo na koleka pemberi ya mokili ya Edome.

KozongelaMibeko 4:29 Bongo kuna nde bokoluka Nkolo Nzambe na bino.

Bokozwa ye soki boluki ye na motema mpe molimo na bino mobimba.

Bajuji 16:16 Na ndenge wana azalaki kotuna Samisona mikolo nyoso, mpe kotungisa ye koleka, kino ntango ayaki kolembisa ye.

1 Samuele 18:1 Ntango Davidi asilisi kosolola na Saula, Yonatana asepeli na Davidi, mpe abandi kolinga ye ndenge amilingaka ye moko.

1 Bakonzi 1:29 mokonzi akateli ye silika boye: "Na nkombo ya Nkolo ya bomoi, oyo azalaki kobikisa ngai na ntango ya bampasi,

2 Bakonzi 4:27 Nzokande ntango akumi penepene ya Elisa na ngomba, akwei na makolo na ye; Geazi alingaki kolongola ye, kasi Elisa alobi na ye: "Tika ye. Azali na mawa na motema kasi Nzambe ayebisi ngai ntina na yango te."

Yobo 7:11 Bongo nakoki lisusu kofanda nye te, mawa ekoteli ngai, esengeli naloba; motema ekumi na mpasi, tika nalela.

Yobo 14:22 Ya solo, bampasi ya motu ezalaka bobele likolo na ye moko, mpe molimo na ye elelaka bobele mpo na ye moko.

Yobo 19:2 Bokoyokisa ngai motema mpasi kino ntango nini? Bokotungisa ngai na maloba kino ntango nini?

Yobo 27:2 Nakati silika boye na nkombo ya Nzambe ya bomoi, oyo aboyi kolongisa ngai mpe ayokisi ngai mpasi:

Yobo 30:25 Ngai nazalaki kolela esikamoko na batu ya mpasi. Nazalaki koyokela bamosikini mawa.

Njembo 6:3(4) Natungisami mingi, kino ntango nini okozelisa ngai?

Njembo 6:4(5) Yaka Nkolo, bikisa ngai na bolingo na yo.

Njembo 7:1,2(1-3) Loyembo ya Davidi ntango azalaki kobondela Nkolo na ntina ya

Kusa, motu ya motinda ya Bejame. (2) Nkolo, Nzambe na ngai, nazali koluka kobombana epai na yo; bikisa ngai mpe longola ngai na maboko ya batu oyo banyokolaka ngai. 2(3) Bazali lokola bantambo, balingi kopasola ngai; nani akoya kobikisa ngai?

Njembo 17:13 Nkolo, omilakisa, kweisa banguna na ngai; bundisa batu mabe, na mopanga na yo longola ngai na maboko na bango.

Njembo 23:3 Apesaka ngai nguya, Atambwisaka ngai na banzela ya malamu, mpo na nkombo na ye.

Njembo 25:20 Batela ngai mpe bikisa ngai; nakimi epai na yo, koyokisa ngai nsonite.

Njembo 33:19 Mpo na kolongola bango na liwa, mpe kobikisa bango na ntango ya nzala makasi.

Njembo 34:22(23) Nkolo abikisaka bomoi ya basali na ye; baoyo babombanaka epai na ye bakoki kobanga te.

Njembo 35:12,13 Bazali kozongisela ngai mabe na esika ya bolamu; bango nyoso batiki ngai. 13 Nzokande ngai, ntango bango bazalaki na malali, nakumaki na mawa mpe nazalaki koboya kolia. Nazalaki kosambela elongi na nse mpe komitungisa lokola soki azalaki moninga to ndeko.

Njembo 41:4(5) Ngai nazalaki koloba: "O Nkolo, yokela ngai ngolu; bikisa ngai mpo nasali mabe epai na yo."

Njembo 42:5(6),11(12) Mpo na nini nayoka mawa mpe nalela? Ebongi natia motema kaka epai na Nzambe. Ya solo, nakokumisa ye lisusu; ye azali Nzambe na ngai mpe Mobikisi na ngai. 11(12) Mpo na nini nayoka mawa mpe nalela? Ebongi natia motema kaka epai na Nzambe. Ya solo, nakokumisa ye lisusu; ye azali Nzambe na ngai mpe Mobikisi na ngai. (Njembo 42:6(7),11(12); 43:5)

Njembo 56:13(14) Mpamba te olongoli ngai na liwa, obateli ngai nakweya te; mpo natambola na miso na yo katni na mwinda ya bomoi,

Njembo 69:10(11) Nalelaka, namilalisaka nzala, mpe yango ekumi likambo ya kofinga ngai;

Njembo 69:18(19) Pusana penepene na ngai, bikisa ngai; longola ngai na maboko ya banguna na ngai.

Njembo 86:13 Mpamba te ozali na bolingo monene epai na ngai; obateli ngai mpo nakita na esika ya bakufi te.

Njembo 97:10 Bino batu bolingaka Nkolo, boboya mabe; Nkolo abatelaka bomoi ya batu na ye, alongolaka bango na maboko ya banguna.

Njembo 107:9 Mpamba te asilisi bango mposa ya mai, mpe atondisi bango malamu na ntango ya nzala.

Njembo 116:4 Bongo nabengaki Nkolo, Nzambe na ngai: Aa Nkolo, bikisa ngai!

Njembo 116:8 Ya solo, Nkolo, olongoli ngai na liwa; okaokisi mai na miso na ngai, obateli ngai mpo nakweya te.

Njembo 119:28 Mawa etangisi mai na miso na ngai; lendisa ngai ndenge olobaki.

Njembo 120:2 Nkolo, longola ngai na maboko ya batu ya lokuta; bango balingi ntango nyoso bobele kokosa.

Njembo 121:7 Nkolo akobatela yo na mabe nyoso; akobatela bomoi na yo.

Njembo 124:7 Tolongwi na maboko na bango ndenge ndeke alongwaka na nkamba; nkamba ekatani mpe biso tobiki.

Njembo 138:3 Mokolo nabengaki yo, ondimelaki ngai, ozongiselaki ngai makasi mpe mpiko.

Maloba Mayele 6:32 Kasi mobali oyo asali pite na mwasi, azali motu zoba, azali komilukela liwa.

Maloba Mayele 22:25 Soki te, yo mpe okolanda bizaleli na bango, mpe okokangama na moteko.

Yeremia 20:13 Boyembela Nkolo, bokumisa ye! Mpamba te abikisaka molimo na motu ya mawa na maboko na batu ya mabe.

Yeremia 31:25 Nakopesa makasi na baoyo balembi, mpe nakopesa biloko oyo esengeli na baoyo bazali kokufa."

Ezekiele 13:20,21 "Yango wana Nkolo Nzambe alobi boye: Naboyi biteni ya bilamba na bino oyo bokangaka na yango bomoi ya batu. Nakolongola yango na maboko na bino mpe nakopasola yango, boye nakobikisa batu oyo bino bokangaki. 21 Nakopasola matambala na bino, mpe nakolongola batu na ngai na maboko na bino. Bokokoka kokanga bango lisusu te; boye bokoyeba ete ngai nazali Nkolo.

Matayo 10:28 Bobanga te batu na koboma nzoto, kasi bakoki te koboma molimo. Kasi bobanga Nzambe oyo akoki koboma nzoto mpe molimo mbala moko kati na lifero.

Matayo 16:26 Motu akozwa litomba nini soki ye akozwa mokili mobimba, kasi akokimisa bomoi na ye? Eloko moko ezali oyo motu akoki kopesa mpo na kobikisa bomoi na ye? (Mako 8:36,37)

Matayo 22:37 Yesu ayanolaki ye: " 'Esengeli olinga Mokonzi Nzambe na yo na motema na yo nyoso na molimo na yo nyoso mpe na makanisi na yo nyoso.'

Matayo 26:38 Bongo ye alobaki na bango: "Motema na ngai etondi na mawa na kokufa. Bofanda awa, mpe bokengela elongo na ngai." (Mako 14:34)

Mako 12:30 Olinga Mokonzi Nzambe na yo na motema na yo nyoso, na molimo na yo nyoso, na makanisi na yo nyoso mpe na bokasi na yo nyoso.'

Luka 12:20 Kasi Nzambe alobaki na ye: 'Yo zoba! Na butu na lelo oyo okokufa. Nsimi yango, biloko nyoso osili kokongola mpo na yo mpenza ekozala mpo na nani?"'

Luka 21:19 Botelema makasi, na kosala boye bokobikisa bomoi na bino."

Yoane 12:27 "Sik'oyo motema na ngai ezali na mawa. Mpe nakoloba nini? Nakoloba: Tata bikisa ngai kati na makambo oyo elingi kokuma na ntango oyo? Kasi ezali mpo na yango nasili kokuma, mpo na koyoka mpasi na saa oyo.

Misala Bantoma 14:22 Balendisaki mitema na bandimi, mpe bapesaki bango mpiko na kokangana na kondima. Mpe bazalaki koloba na bandimi: "Ekoki toyoka mpasi mpo na kokota kati na Bokonzi na Nzambe."

Misala Bantoma 15:24 Toyokaki ete batu kouta epai na biso babebisaki makanisi na bino mpe babangisaki bino mpo na maloba na bango. Topesaki bango

mobeko moko te na ntina na likambo oyo.

1 Bakorinto 15:45 Mpo ete Buku na Nzambe ezali koyebisa: "Motu na liboso, Adamu, azalaki na bomoi"; kasi Adamu na nsima azali Molimo oyo apesaka bomoi.

1 Batesalonike 5:23 Ekoki Nzambe oyo apesaka kimia ajalisa bino kozala nyoso nyoso mpo na ye. Ekoki ye akengela bizaleli na bino mobimba, molimo, motema mpe nzoto, na mosoto te mpo na mokolo na kozonga na Mokonzi na biso Yesu Kristo.

Baebere 6:19 Elikia yango ezali mpo na biso lokola ebende oyo etelemisaka bwato. Yango ezali ya solo mpe makasi, kokota na koleka na mokongo na rido na ndako na Nzambe, kuna na lora, kino na esika ya bosantu oyo ezali na kati mpenza.

Baebere 10:39 Tozali te lokola batu oyo bazongaka na nsima mpe babungaka nzela. Tozali na kondima, mpe tozali na nzela na bomoi.

Yakobo 1:21 Mpo na oyo boboya makambo mabe nyoso, mpe misala mabe nyoso. Boyamba na lolendo te liloba oyo Nzambe azali kolona kati na motema na bino, mpo liloba yango ekoki kobikisa bino.

Yakobo 5:20 bokanisa oyo: motu na kolongola motu na masumu na nzela mabe na ye, akobikisa molimo na motu yango na kukufa. Mpe Nzambe akolimbisa masumu mingi mpo na mosala na motu yango.

1 Petero 1:9 bozali kozwa na kondima na bino oyo ezali kobikisama na molimo na bino.

1 Petero 1:22 Bosili komipetola mpo na kotosa likambo ya solo, mpo na kolinga bandeko na bino ya solo kati na kondima. Bolingana kati na bino, na bolingo monene, mpe na motema na bino nyoso.

1 Petero 2:11 Bandeko na ngai, nasengi bino, oyo bozali lokola bapaya mpe batu kofanda na mokili na batu mosusu, bokengela bino mpenza mpo na mposa na nzoto oyo ezali kobunda na molimo.

1 Petero 4:19 Boye, batu na koyoka mpasi mpo na mokano na Nzambe esengeli bakangana na kosala malamu mpe bamipesama mobimba epai na Mojalis oyo azali kokokisa bilaka na ye.

2 Petero 2:7,8 Ye abikisaki Loto, motu malamu oyo motema na ye etungisamaki na ezaleli na pite na batu mabe. 8 Mpo motu malamu oyo afandaki kati na bango azalaki komona mpe koyoka nsango na makambo mabe na bango moi na moi. Mpe motema sembo na ye enyokolaki ye mingi mpo na misala mabe na bango.

3 Yoane 1:2 Ndeko na bolingo, nazali kobondela ete makambo na yo etambola malamu, ete ozala na bokasi na nzoto lokola ozali na bokasi na molimo.